



1 Hydref 2013

Annwyl Gyfaiil

Mae Pwyllgor Amgylchedd a Chynaliadwyedd Cynulliad Cenedlaethol Cymru yn cynnal ymchwiliad i **Wastraff ac Adnoddau**.

Diben yr ymchwiliad yw asesu effeithiolrwydd Rhaglen Gweithredu'r Cynllun Gwastraff ac Adnoddau (WRAP Cymru) wrth i'r sefydliad geisio cyflawni ei amcanion.

Bydd y Pwyllgor yn ystyried:

- Cyfraniad WRAP i ddatblygiad seilwaith ailgylchu ac ailbroesu yng Nghymru ac i ddatblygu, sefydlogi a hybu marchnadoedd ar gyfer deunyddiau wedi'u hailgylchu/hadfer, ac aildefnyddio adnoddau.
- Pa gamau gweithredu y mae WRAP wedi eu cymryd i fynd i'r afael â pheccynnu a gwastraff bwyd yng Nghymru.
- Y fenter 'Ailgylchu ar hyd y lle' a sut bydd yn cyfrannu at amcanion Tuag at Ddyfodol Diwastraff.
- Gwaith WRAP yn cefnogi cwmnïau sy'n gweithio yn y sector treulio anaerobig a chompostio.
- Faint o awdurdodau lleol sy'n dilyn y Rhaglen Newid Gydweithredol i Gymru, ac a oes mwy y gallai Llywodraeth Cymru ei wneud i gefnogi awdurdodau lleol.
- Sut y mae WRAP Cymru yn gweithio o fewn yr agenda atal gwastraff ehangach a bennwyd gan Lywodraeth Cymru yn y Cynllun Atal Gwastraff drafft.
- Effaith debygol Defra yn torri cyllid WRAP ar lefel y DU ar gapasiti WRAP Cymru i gyflawni ei hamcanion.
- Effeithiolrwydd y cyngor y mae WRAP yn ei ddarparu, sut y mae'n rhannu arfer da, a sut y mae'n cyfathrebu ac yn cysylltu â chwsmeriaid.

Bae Caerdydd / Cardiff Bay  
Caerdydd / Cardiff  
CF99 1NA

Ffôn / Tel: 029 2089 8393  
E-bost / Email: [PwyllgorAC@cymru.gov.uk](mailto:PwyllgorAC@cymru.gov.uk)

## Gwahoddiad i gyfrannu at yr ymchwiliad

Mae'r Pwyllgor yn croesawu tystiolaeth gan unigolion a sefydliadau. Os ydych yn ymateb ar ran sefydliad, rhwch ddisgrifiad byr o rôl y sefydliad.

Byddwn yn cynnal sesiynau tystiolaeth lafar yn nhymor y gwanwyn 2014, felly byddai'n ddefnyddiol pe gallech nodi yn eich cais a fyddech yn fodlon rhoi tystiolaeth lafar, os cewch wahoddiad i wneud hynny.

Yn gyffredinol, gofynnwn i dystiolaeth gael ei chyflwyno yn ysgrifenedig oherwydd ei bod yn arferol i'r Cynulliad Cenedlaethol gyhoeddi tystiolaeth a ddarperir i bwyllgor ar ein gwefan, er mwyn iddi ddod yn rhan o'r cofnod cyhoeddus. Fodd bynnag, gallwn hefyd dderbyn tystiolaeth ar ffurf sain neu fideo. Mae'r Pwyllgor yn croesawu cyfraniadau yn Gymraeg ac yn Saesneg, a gofynnwn i sefydliadau sydd â pholisïau / cynlluniau iaith Gymraeg ddarparu ymatebion dwyieithog, pan fydd hynny'n berthnasol, yn unol â'u polisïau gwybodaeth gyhoeddus.

Os hoffech gyflwyno tystiolaeth, anfonwch gopi electronig ohoni i [PwyllgorAC@cymru.gov.uk](mailto:PwyllgorAC@cymru.gov.uk). Fel arall, gallwch ysgrifennu at: Clerc y Pwyllgor, Y Pwyllgor Amgylchedd a Chynaliadwyedd, Cynulliad Cenedlaethol Cymru, Bae Caerdydd, CF99 1NA. Dylai unrhyw dystiolaeth gyrraedd erbyn **19 Tachwedd 2013**. Mae'n bosibl na fydd modd ystyried unrhyw ymateb a ddaw i law ar ôl y dyddiad hwn. Mae copi o'r llythyr hwn wedi'i roi ar wefan y Cynulliad Cenedlaethol ynghyd â gwahoddiad agored i gyflwyno sylwadau.


### Datgelu Gwybodaeth

Mae'n arferol i'r Cynulliad Cenedlaethol gyhoeddi tystiolaeth a ddarperir i Bwyllgor. O ganlyniad, efallai y bydd eich ymateb yn ymddangos mewn adroddiad neu mewn tystiolaeth ategol sy'n rhan o adroddiad. Ni fydd y Cynulliad Cenedlaethol yn cyhoeddi gwybodaeth a ystyrir yn ddata personol.

Os ceir cais am wybodaeth o dan ddeddfwriaeth y DU, efallai y bydd angen datgelu'r wybodaeth a gawsom gennych. Gall hyn gynnwys gwybodaeth a ddilëwyd cyn hynny gan y Cynulliad Cenedlaethol at ddibenion cyhoeddi.

Os byddwch yn darparu unrhyw wybodaeth, ac eithrio data personol, nad yw'n addas i'w datgelu i'r cyhoedd yn eich barn chi, eich penderfyniad chi yw nodi pa rannau na ddylid eu cyhoeddi a rhoi dadl resymol dros hyn. Bydd y Cynulliad Cenedlaethol yn ystyried hyn wrth gyhoeddi gwybodaeth neu wrth ymateb i geisiadau am wybodaeth.

Yn gywir



Yr Arglwydd Dafydd Elis-Thomas AC

Cadeirydd